

մ/թ.

Չմոզգողաց թագաւորն նոր լոթրան և թանձր պրուշեան կալան, և կայ այժմ յարգելանս, և կին նորա որ է մեռեալ թագուհւոյն քեռ դուստրն, թագաւորէ այժմ: Այս դիպաւ նմա վասն երից. նախ զի ի դաւանութեան մոսկովեան հաւատոյն ոչ եկաց. այլ զլոթրանութիւնն հանդիսացոյց ոչ միայն յանձն իւր և յոմանս, այլ ի բոլոր թագաւորութեանն կամեցաւ մուծանել: Երկրորդ՝ ստեաց երգմանն կալոյ ի հաշտութեան ընդ տանն աւստրիայու: Երրորդ, ձեռնտու եղև թշնամոյ մեծի տանն աւստրիայու և մոսկովու: (Մեղգոնեան առ Հ. Մկրտիչ Աճ. 1762 Օգոստ. 7. [Ս. Ղազար]):

մ/ւ.

Լուայ ևս թէ թագաւորն բանտարկեալ նախ ունեցեալ է ևս զկամս բաժանիլ ի թագուհւոյն, և զայլ կին ածել. ուստի այսմ ևս գիտակ գոլով թագուհին, աճապարեաց հոգալ զբան առն իւրոյ ունելով և զայլ պատճառանս: Եւ զրեաց առ թագուհին ձէրմանիայու, թէ ընդ քեզ եմք ևն.: (Մեղգոնեան առ Հ. Մկրտիչ Աճ. 1762 Օգոստ. 14. [Ս. Ղազար]):

մ/իւս.

Վասն յունաց եպիսկոպոսին որ է ի նազարէթն, ծանիր, զի լուայ թէ ձեռնադրողքն սորա, որք էին եպիսկոպոսն քեօրֆէզու և քէֆալօնիայու, ծածուկ բանադրեալ են ի պատրիարքէն ստամպօլու. ուստի ի առաքելն յունաց առ պատրիարքն ստամպօլու զգիր, զի զհաստատութիւնն իւրեանց եպիսկոպոսին տացէ, նա զրեալ է, թէ ոչ ինչ է եպիսկոպոսութիւն սորա, զի բանադրեալ էին ձեռնադրողքն: Եւ սոքա պաղեցան յոյժ իւրեանց եպիսկոպոսէն, և դարձեալ զրեալ են զիր առ պատրիարքն ստամպօլու, և սպասեն թէ զինչ լուր գայ... Թագաւորին տաճկաց երեք ամեայ դուստրն մեռեալ է: (Մեղգոնեան առ Հ. Մկրտիչ, 1762 Սեպտ. 1. [Ս. Ղազար]):

մ/իւր.

Իմացայ... ևս վասն Լիբանանեցւոց, և գնեալ տեղւոյս նոցա, և հալպու նոր հաստատեալ վիզարին. որով Լիբանանու հայոց կաթողիկոսն ամենեկին թարմատարի:... ասես ստոյգ, թէ տաճիկն պատրաստի ընդ ծով և ընդ ցամաք ի պատերազմ. և թէ զօրքն խնդրեալ իցէ զայս: Եւ թէ հրաման տուեալ է ժողովել զօրաց ի պէլլիզատ: Եւ ի պօսնա պատրաստութիւն կերակրոց դնէ. և ստոյգ ոչ լինի զիտացեալ թէ յոյր վերայ շարժի: Սոքա ևս աստ ծածուկ պատրաստութիւն նաւուց տեսանեն: (Մեղգոնեան առ Հ. Մկրտիչ Աճ. 1762 Սեպտ. 11. [Ս. Ղազար]):

մ/իւզ.

Վասն պատերազմաց... լուայ թէ ֆրանսզն և սպանեօն հաշտեալ են ընդ ինկիլիզին. և այսպէս փնաց միայն ռէճինան ընդդէմ պուշին, զի ի մոսկով ևս լսի թէ շփոթութիւն գոյ: Իսկ տաճիկն ասեն, զգօրն զորս յայլեայլ կողմանս առաքեալ էր յետս կոչեաց... Վասն տաճկական պատերազմին զրեցի վերագոյն. և զի այն երևոյթն պատրաստութեան պատերազմի ասեն լինիլ վասն պարըին, այսինքն մինչև կատարեսցի այն դաշնադրութիւն, և յորժամ եղև այն պարին, վերջացոյց պատրաստութիւնն, զայսմանէ այլեայլ խօսին: (Մեղգոնեան առ Հ. Մկրտիչ Աճ. 1762 Սեպտ. 25. [Ս. Ղազար]):